

四庫全書

集部

欽定四庫全書

御製詩二集卷三十八

古今體九十三首

癸酉一

癸酉元旦

珠杓璧月共居寅
瑞靄輝輝鳳闕晨
萬國同朝大清朔
百年喜遇歲朝春
衣冠踰濟遵王會
律呂和平奏樂鈞
休養繁滋誠有慶
更思風俗要還淳

新正試筆

達曙惟聞爆竹聲致祥和氣驗人情春當綺歲元朝立
輦向青陽左个行甲子輪環欽橐籥共球閭闔會寰瀛
撫辰莅政敢云久日益孜孜若捧盈

紫鳳蒼龍轉玉璣祥飈瑞旭麗金扉十行寬大新頒詔
一念精勤首勅幾癸德合千晷德凜酉年開紀有年祈
乾清曲宴宗親洽綈几瑤箋試筆揮

癸酉元日立春帖子

東皇綺律舒三百六旬初妙合麟經義春王正月書

四序正權輿雲看三素殊

慈寧重疊慶春酒介屠蘇

辛盤恰並椒盤獻賀歲還兼賀節新宜拂硃牋書大吉
今年元日是元春

雪

臘雪雖逢望渥霑發春

天澤喜均覃祥花瑞葉元正二客歲今年積素三生意
寒梅珠半綻畫情溫樹玉全含同雲遠布懷九宇佇待

佳音達奏函

正月二日祈穀齋居對雪

元正纔過致虔齋典重

祈年倍切懷靜聽排門鳴爆竹春音一片與人諧

六出霏霏入晚濃玉花紛綴禁中松發祥捷報新春喜

不問詞林問老農

惠山仿得竹鑪成臘雪嫌微未試烹今日優霑方愜意

合尋韻事煮三清

臘底敲吟間濶踈新年清興共春舒心花喜映祥花潤
草甲勾芒盡起予

李公麟五馬圖歌

杜陵題畫馬不一要貴取義非修辭當時此技誰絕勝
陳閔曹霸臻神奇幹雖畫肉不畫骨天閑萬驥皆能師
後來繼者何寥寂三百年始得伯時橫圖迴立見五馬
權奇沛艾天英之鳳頭驄來于閩國董擅錦膊翩相隨
天駟最數好頭赤照夜白倣唐名為其後一馬失題識

昂藏殊相星瞳輝藝成放筆一馬殂

見卷後曾紆題語

太僕惆

悵何爭差我聞元祐多正士拔茅雲路驟駟驪伯時軒

冕有弗屑喜畫馬能累斯

出黃魯直跋語

清流往往禍自取

姓名未泐安民碑丹青結構有深意同人藻鑑遙應知
芻秣豆飼信堪羨那免按隊牽金羈

雪後登延春閣眺望

瑞霏既委積祥曦亦瞳矐素雲扶柏枝芳飈遞梅叢新
正清暇餘延閣深禁中載豁即景目兼舒體物胸皇都

千萬戶珠樓十二重撫此金甌固益切玉燭融北斗
璇杓西山展畫峰和氣鬯萌陽吾將事祈農

詣齋宮作

引仗青旗出禁城祥凝樓雪曉風輕祈

辛預日齋宮宿又得新詩紀上庚

謁

壇眊濯典依前欣覩輦飛重煥然中命秩宗稽古義新

題寶額號

祈年

殿仍前明之舊瓦用青黃綠三色顏曰大享殿皆於義未當乾隆十六年重加修葺易用純青命禮

臣考正題為

祈年

殿時始竣工用紀其事

溫暾曦影一窓紅數紀流陰默忖中即事拈毫前後異

寸心虔敬始終同

展臨快雪帖因題

時晴快雪對時晴真者當前怵惕生

米帖云展文皇大令帖臨之不成信

真者當前令人怵惕云云

展濶縮臨皆自我蘭亭何必擅前旌

蘭亭撫者

大小不一真草亦殊快雪獨無聞焉故戲及之

祈穀禮成八韻

祈年蘊素誠

寶殿煥新名益凜欽基命重欣瞻落成喬雲扶棟宇上
日率公卿霧馥升烟合星輝列燭明一衷陳玉帛九闕
備咸英

鴻貺希初祉青韶逮始耕泰符宏錫極豐壤積瓊靈歲
紀昭陽協惟殷敬畏情

題董邦達西湖圖

向見西湖圖約略觀山水今見西湖圖曲折可詳指由
來貴親歷了然勝遙揣不獨繪事然吾因悟治理

詠竹壚

惠山傳雅製嶰谷飭良材古擬蟠夔鼎華羞翠羽蠹試
煎泉味永靜對道詮該消渴宜攜藻何人司馬才

宛轉曲

就燥者火流濕水同氣相求必其理郭隗重燕樂毅來
無知升朝曲逆偕傷胎毀卵鳳不儀北寺幾見慈烏棲

仲尼迴車戮鳴犢袁閔佯狂李杜覆一堂兩琴宮商應
薰蕕臭味各本性咸博結綬蕭男登牛李何怪豆炭冰
其實難副忌盛名操戈同室非人情顧厨清流禍自取
程蘇何事相爾汝

錢陳羣養疴歸里進途中所作詩因用其會錦春

園和杜韻詩率題書賜

北海惟客待

錢陳羣詩因孔傳
樞招遊而作故云

杜陵詎身謀勝會開名

園新詩步秦州猶記陞辭時流火方新秋何事大江北

閒尋谿壑幽養疴許謝莊遁跡非田疇故鄉山水佳樂
餌頗易求頤攝冀良愈待泛還朝舟江頭有錦春何妨
一命遊几杖兒孫侍樽核賓從稠江湖信可樂廊廟豈
忘憂遲遲有深意欲邁還停收况彼五畝間卷阿我曾
留卽是矢音地扈賡憶從頭詩筒附奏箋翰苑傳風流
故知解脫心疾等浮雲浮從茲一葦南遙望心與悠

十六應真歌題唐人畫

湯湯渤澥雲天寥古先生此為遊遨龍伯海若夷兒曹

執圭鞠脰紛超朝天吳前導懸旌飄持杖荷拂遑辭勞
入水不溺趺坐牢髯卷蟹族承裾條連行據背騎文鯤
俯視直徹萬丈濤有魚小首不目逃卓立背者笠椶毛
渡杯偶後曲錄腰笑謂前我詎我驕之而頰頰騰長蛟
拍揮如意無鞭敲和南磬折心枯焦袈裟風拂披七條
一蠖昂首悲且翹何不可度以手招倚柏一晌聊逍遙
翻却公案誰訾訾眉毛拖地光白毫青童後隨年彭喬
伯呼仲諾比漆膠神龜在手非卜繇偃僂杖錫蒼崖坳

持菓相饋來猿猱肩隨蹠步意陶陶吾宗機示成神交
大胸出目竊芳藝徐行驅走如羊羔念珠百八三藏包
忘言縱目窮青霄繪事妙詣真神超楞伽貫休名未標
飛白得之子雲蕭以書通畫妙義芭金剛四句偈不殺
彌勒樓閣珠林高

新月

新年初度月眉細便堪憐映雪光偏皎生春景越妍桂
將梅並放今及古常懸即漸臨三五燈宵樂事駢

新春重華宮恭侍

皇太后家宴

孫曾引領綵衣迎行樂
宮中和氣盈
鴛瓦棲雲為喜色
鳳笙按曲是春聲
五辛盤獻先人日
六葉蓂舒正午晴
愛敬一心承

色笑願留義馭駐南榮

人日瀛臺即目

人日率逢齋法宮虔端凝
今年已祈穀春雪况被滕令

節氣始和即事傳攀登宴賞例不舉

是日適逢忌辰例不行宴賞

邱

壑致可憑積素纈珠林噴流瀉玉峻一屏絲管鬧轉覺襟懷激攬勝新景會勒壁舊題曾新舊信儻然流陰爾為能

千尺雪

吳下寒山愛佳名熱河田盤率倣作松濤泉籟或彷彿路遙豈得常憑託咫尺西苑傳春明結構頗具林澗樂四百餘年樹石古峭倩信佳究穿鑿我書三字題簷端

亦有雪花拂檐落揣稱終疑未恰當雪後今來一斟酌
人之稱也徒彼哉天之然兮誰此若

新正詠雪聯句

有序

蒼龍轉律莫開二葉之辰白鳳搏空梅綻六花之
朶因祈辛而齋宿敢命宴以歡臨廼其素積駕樓
晝閒鶴禁補乾清之曲宴申重華之舊規對此祥
葩可停綵管依潁州禁體倣石鼎綴辭更示謙沖

率屏設頌

御製青帝試初令翦雨為飛雲喜咲心花發

恩承

天貺并積日礎霑潤凌晨霰迴縈殷七術遜巧

臣傅恒

勝

六嚴遑征俄看九衢積漸躡三階升鰲禁奉

清賞

臣來保

御製兔園徵墨卿穎州垂故範聚星繼前旌韻事重拈詠

新韶發滋榮的皪輝綵勝飄翔映燈檠周阿吹復

聚

臣史貽直

深巷掃更凝壓樹梢槭槭鋪池面盈盈西

年得漿酒

臣陳世倌

御製協氣調勾萌被滕弭遺騰觀書罷囊螢冰筋排簷直

炭獸偎鑪頰松撐老骨勁竹夏高韻鏗樵逕封砌

谷

臣阿克敦

釣竿渺江汀縱獵晃鷹眼嚴更促雞鳴熙

熙見物景

臣孫嘉淦

御製浩浩聞市聲快意生朗潤奪目含光晶冥搜窮萬象

遠布周八紘元氣渾太始淨光搖星衡化工妙點

染

臣蔣溥

大造何經營昭蘇敷

帝壤瀝奕先

神京兆豐樂舍舖

臣劉統勳

御製入詠欣颺賡蘊句戒顯借植馬隨徐行風前葉偏態

空際圖難名中宵炯暗室達曙翔飛甍高卧動京

尹

臣汪由敦

嬉笑忙野毗土牛茁繭栗綵燕飄娉婷狡

猊波斯裝

臣尹繼善

御製琉璃舍衛城體物卻膚語出奇鼓豪情唐苑倡蘇李

宋本摹闌荆歌郢孰和曲入蔡曾銷兵剌水艷訪

戴

臣嵇璜

伊川欽立程煨芋相暖熱傳柑互邀迎即

此足怡暢

臣介福

御製因之眺縱橫畫入遙峰疊占同寶粟羸春轉寒威淺

晝暄新序更賀歲紛拜舞

祈年曾精誠書事表盈尺

臣董邦達

致齋肅先庚馳道淨塵壒

圓壇煥題楹歡欣聞吉語

臣嵩壽

御製次第達遠俘燕齊鄭秦晉麥豆稷黍杭祥符傳汜勝

險押追彌明穿窓騰霧屑著土孕穀精疑是天女

散

臣錢維城

直與元冥爭霏霏拂珂珮瑟瑟諧字望吟

慙筆尖退

臣觀保

御製坐覺衣棱生寸鐵持不許兼金化誰成麝月出新浴

鱗雲啓深局交映殿角迴碎點簾額輕森然豁蒙

昧

臣裴曰修

煜爾騰煌煌熒微響聽歸雁無跡尋懸鈴迴

虔儼長袖

臣德保

御製撒來需和羹溪籐標五字竹鑪烹三清亦厘茅簷冷

兼快松軒晴一色炫香萼十葉舒靈宴曲宴集鴛

鷺

臣于敏中

好景開蓬瀛應時魄未朏慰望歲初正和

律兆太族

臣莊存與

御製宿潤連嘉平高下因地託方圓付形呈上瑞同堂慶

東郊將始耕

新正重華宮小宴大學士及內廷翰林

重華曲宴例居前今日欣開翰墨筵况值新正霑瑞雪

可無嘉會荅韶年唐花吐豔凝珠綴仙木書祥映綺錢
正是賡歌思屢省頌揚莫亟騁辭妍

歡延綸閣逮詞林列坐華茵喜盍簪翡翠瓦仍餘積雪
吉祥雲復釀濃陰同希繼澤占農慶獨佇嘉謀沃朕心
三爵非無厘惡旨傳柑且待上元臨

新正恭奉

皇太后幸圓明園即景成什

芳園行樂撰良辰九陌風和不動塵笑指亭臺成隔歲

即看草樹早廻春

高年人愛祥暉永新社

天教大地均解事瓊璫積瑤圃慶霄雅合踏燈輪

小宴蒙古諸王公

華節試燈朝芳筵勝賞饒穹廬張日麗清樂韻風條予

曰有嘉客羣言戴本朝恭韞看相入聲撲度索起高跳百

戲歡情洽千方遠意昭魚雲過午重欲繪上元霄

上元燈詞

去年燈映田餘雪今歲田餘雪映燈多幸占農屢豐兆
更殷保泰一心仍

星橋駕海還通漢火樹千花復萬枝樓上祥雲

王母降羣仙舉首祝

鴻禧

排當燈事歲誇奇行慶承

歡恰順時縱目烟村十里外糠燈茅屋景堪思

月如不夜常稱午花是恒春鎮自開靜約雲中定誰氏

予登徐按八琅來

詔許觀燈例上年踏歌誰合繼張燕却思瘦沈老無恙

此際心應壯闕懸

去年上元命內廷諸臣於西苑觀燈和詩休致侍郎沈德潛以祝

皇

太后萬壽留京得與旋復南歸故念及之

四照花開鶴皺春纖阿今夜為逡巡元宵聯句因閒讀

多半驚看作古人

癸亥元宵聯句諸臣中如大學士鄂爾泰徐本尚書張照學士張若靄皆

已物故

雁塔光明不計層應真來往法雲憑琉璃國土水精闕

證號如來是寶燈

紫瀾聲定月華臨歌舞惟聞和樂音同願五風兼十雨
可知人意即予心

上元後一日小宴廷臣用重華宮賜宴韻

傳柑應讓懿親前

前一日宴宗室諸王

撒荔重開翼日筵豈是耗

磨沿俗例要因昭邕遇昌年春宵賡和傳蘇李昨歲追

陪憶沈錢

謂沈德潛錢陳羣

火樹銀花宜入夜樓西留閱物華

妍

入宴諸臣仍命至苑西觀烟火

一綫烟花綻萬林上元仙子月珠簪祥麟吐火旋成日
寶蛤噓雲便作陰見舞民安物阜字每關後樂先去聲憂
心今朝三爵申相悅尚藉昌言佐知臨

題鄒一桂寫生卷

金絲桃

翩翩黃蝶力難勝迴異人重過武陵最愛綠盤高捧出
五花齊燦五金燈

繡毬

繡出金針韶景妍玲瓏一線若為穿試叅舍利拋呈後
香色榮枯總寂禪

長春花

瑤池桃實三千歲樹各春秋不相入妨月月花開十二

度女夷批判豈辭忙

百日紅

又名後庭花

揚猗聞道盛閩中絢爛恒春百日紅結綺樓前多學士
費才江令獨稱工

杏

肘後曾聞說董林甘芳偏覺勝來禽充梅漫惹髯翁誚
入酪何妨楚客吟

枇杷

誰因結實憶開花綴樹金丸未揀沙為想詩人高季迪
東邱蘭若見枇杷

棣棠

色占中央爛漫枝後時約略並荼蘼不因檢校羣芳譜

誤注誰分周雅詩

秋葵

秋風閒砌發幽花
處士圖珍駙馬家
直筆不慙瓶史處
傾陽曾未逞春華

百合花

接葉開花玉瓣長
雲根百疊可為糧
却教藝苑傳佳話
歲軸圖成兆吉祥

讀說難率詠

說難說盡說人情姚賈猶然數語傾不及周昌心口一
機權百出究何成

詠黃山松樹子

黃山三十六峯高胎石蟠拏根抵牢圯上未輕期孺子
洞邊還擬見盧敖盤拏宜入畫家筆剗削何妨匠者刀
千載詠松人幾許於松曾不涉分毫

聞各省得雪詩以誌慶

齊鄭麥為秋雪佳麥乃好晉秦灾饑餘切厓接濟早新

正降瑞霽厚澤皇州肇邇來四省間次第遞箋表更幸
皆一日普被

天恩浩遺蝗入地深田火無煩擾勾萌達始和結穗占
堅飽民心得雪安穀價平村堡氣癘得雪消康寧善相
保御圉行慶時燈月助晶皓在彼不在此予樂民同曉
新春萬壽山

燈為寶月雪為花初地青陽景已嘉蓄岸波新連凍浦
曠窓日暖上明紗依稀梅蕊圖江國次第楊稊報歲華

與物皆春春始鬯藻思發亦肖萌芽

韓滉五牛圖

一牛絡首四牛閒弘景高情想像間舐齧詎惟誇曲肖
要因問喘識民艱

題故大學士蔣廷錫做項聖謨摹韓滉五牛圖仍
用題韓滉畫韻

摹本重臨退食閒晉公真蹟企思間廷錫未見滉蹟故臨項本石渠

今日同收取蔣溥見石渠寶笈中有韓滉五牛圖真蹟因進此卷奏請並藏考牧從知

稼穡艱

雲海濤翻閭後閭

見故尚書張照跋語中

聖謨蹟落有無間張衡

端是振奇士水牯參餘立語艱

張照後題詩四首多寓禪機

玉鴿

蜀嶺春花狀藍田瑞物呈傳書堪並雁入畫欲欺鶯雙翼如方翥圓喉未易鳴靈禽稱善合妙義示恒貞

初春遊玉泉山

幾餘行樂趁新年翠輦逶迤到玉泉最是靈源不受凍

碧漪春水放紅船

向陽階砌草勾萌茂對時和驗物情
芳甸雪消膏土潤
陌頭舉趾有新耕

林外風輕霽景鮮春山未冶已含妍
華滋館裏琴書靜
小坐明窓又隔年

結縛梭毛屋兩間竹鑪偶試愜餘閒
只疑第一泉應笑
何必區區學惠山

閱織端因屢授衣
交交分賜任携歸
止人不識南人巧

真道天孫付錦機

是日攜蒙古王公觀
織帛者即以分賜

明湖疏治納羣流新水鳬鷺樂泛浮一棹玉河供謁覽
行將淀海試春蒐

萬壽山即事

韶月尋清賞芳晨禮照園山容將欲染春事漸堪論
階
辭含陽重林禽較昔繁吉雲頻蘊釀雪雨總

天恩

面水背山地明湖做浙西琳瑯三竺宇花柳六橋堤凍

鮮鳬驚樂風輕梵唄低高峯稱萬壽

慈壽祝同齊

梅雪清噴麝松風謖起濤得奇欣在邇因迴亦為高縱
匪民之力寧無作者勞抒懷聊即事便與付宣毫

做倪瓚江岫望山圖并用其韻題句

不留烟靄快初晴了了嵐光入眼明
笑我曾同高士興
隔江亦復遠山橫
錢塘秦望應如昔
白傅蘇公只剩名
若向錦幘論氣韻
輸他老驥驚前程

春冰

春冰或尚堅而人危弗履危有甚於冰戒弗履者幾

余省雜花草蟲卷

鳴者動其股飛者翾其翼馥者揚其芬嫋者錯其色寫
生有如此傳神亦云得展卷悅茂對與物暢生息

題徐楊歸庄圖

搖搖春水舟輕颺歸來三徑未全荒隔岸羨望者誰氏
刺史江州應姓王

雪中由玉河泛舟復至玉泉山

密點還踈點，冰心復水心。
被田同暢悅，助景好探尋。
入沼無痕化，推蓬有冷侵。
不知誰戴氏，彷彿泛山陰。
林岫已婆娑，汀崖漸委羅。
不梅皆玉蕊，過節又銀蛾。
遙浦猶含凍，長源漸漲波。
機聲伊軋裏，一棹玉河過。

泉氣猶蒼蒼，雲容益蔚濃。
每懷繼優澤，真覺利良農。
知足定誰是，占祥幸此逢。
西山偏入望，玉積兩三峯。

正月二十九日進宮齋戒之作

行慶奉

慈寧燈事佳節邁朝來命翠輿春社期夙戒雪消喜舍
潤雲屯希繼沛遑肯託端拱益惟欽顧對宴樂詎宜亟
消息者相代自信者祈年始終心不懈

臨鍾繇薦季直表因題

戲鴻游鶴絕追尋惜棄餘閒一背臨詎止楷模傳漢隸
要嘉斷斷進賢心

二月朔日齋居

庶績區分日午階坐來溫室一澄懷勅幾不息齋猶切
華節過餘靜轉佳對越天心基宥密紐芽春物肇根茲
翻書怯溯羲皇上望若驚洋詎有涯

春仲躬祭

社稷壇

春祈祀典厯躬行右闕晨趨率辟卿立我蒸民知穀重
藐予小子識君輕六鈞綵鳳儀仙樂三獻卿雲擁
帝觥懸鼓和鳴物甲坼青郊正待省新耕

題張宗蒼四季山水圖

黃塢春泉

春山澹沲花丰茸春水勝舟綠縠溶瀟灑潯陽好風日
祇教孫緬得相逢

柳塘夏雨

遠峯極目翠糝糊近水侵塘漲滿湖活脫房山神韻處
只疑柳線尚垂珠

荻浦秋帆

蒼蒼蘆荻渺秋湖
赤壁之游了不殊
猶是東山月未上
短簫孤棹入冰壺

瑶林冬岫

紅樓綠樹相參差
點綴天花萬嶂疑
却憶五臺白雲
寺三年前景故如斯

轉復詞

似與而取垂竿絲
淮陰背水勝趙師
似明而暗問羊計
鉤距摘伏奸愈熾
似貶而褒詎諧談
歸遺細君仁何慙

似闇而彰錦尚絅仲長樂志抗箕潁似退而進尺蠖伸
巧宦司馬慨安仁似愛而害搖木本豫章范甯翻成損
似是而非形影間士季四本疑顧歡似真而偽涇渭濁
晉黃曾亦清流託似異而同芝蘭薺韓范上殿何妨爭

道寧齋

仲舒對制冊道者治所繇諸葛誠中郎寧靜匪外求是
皆述公奭至論昭千秋虛齋顏道寧以道寧能不雕繪
詎足尚澹泊有餘休無益不可作自問殊難酬

臨董其昌做歐陽詢草書千文率筆題後

先後七年從太嬾

董其昌楷書千文自題云先後七年乃成

旦朝一卷遜真

勤

文徵明每旦必書千文一卷

率更搨本春官筆吾亦因之遣暇云

御門日作

建禮接晨趨乘乾奉永圖勅幾遑燕寢咨政闕身衢曉
日琉璃瓦香烟翡翠鑪後言誰退有成見我從無

登玉泉山賞過樓

高樓山西麓松竹頗瀟灑丹梯棲嶠岵攀躋勞毋乃亟

來率未登目存心已在今朝到黃緣騁望神怡倍偶讀
壁間詩忽爾隔十載可以悟駒隙亦足覘疎怠復不免
新作自問聊自解

圓朗齋

在萬壽山陽

仁圓義則方禮立智期朗山水足是齋仁智愜所賞昆
明滄池俯萬壽高峯仰俯仰入澄觀心與天地廣廓然
應物來淳風庶可做

題余省魚藻卷

菁藻琳池縹連行戲衆魚至清奚用彼知樂亦欣余

徐揚摹黃公望筆意卷


粗皴及澹染千古傳黃癡得神詎在似刻楮亦易為愛
此溟濛意富春春靄時

玉鵲

填橋曾到漢旋復化支機聲兆吉祥信情知風雨幾動
兼貞是體靜以德為輝比似文皇鷄投懷那慮飛

御園仲春

仲月茁莫初春光漸綺舒綠苔依北祀輕籟入東疏林
暖能言鳥冰消負陟魚調元厯亮政棄暇喜翻書生意
滋韶苑農功載始畲行時將命駕保介共咨茹



御製詩二集卷三十八

欽定四庫全書

集部

御製詩二集卷三十九

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣許蔭培

欽定四庫全書

御製詩二集卷三十九

古今體九十三首

癸酉二

過廬溝橋

石梁黑水此鳴鞭前度迴思頓隔年西指

橋山程四日繫予心在嶺雲邊

驚蟄初臨凌汎過層冰浦淑積嵯峨俯欄識得渾流猛

行水思量究若何

閱隄前歲歎行牆瓠子隨歌怒若傷

庚午春閱永定河隄知其每歲加高

河底淤填如以牆束水是夏渾水決溢因命改濬下口

南徙尾閭賴稍定亦惟茲

土慎修防

無定何如永定乎千秋疏治仰

神謨便將紆轡觀輸尾穡事民生總要圖

麥

雪足麥生早芊芊欲被塍迎人呈喜色先夏望豐登春
靄低將合晨霜潤稍凝兆佳雖慶慰惟日勵兢兢

良鄉行宮晚坐

又駐行時蹕蕭齋可意清
去來時屢易今昔念交綦
習武遵

前蹟均勞驗衆情
春雲倚晚重希澤為新耕

射

弁射由來國俗稱
時巡閱衆每教仍左支
右詘斯觀德貫札穿楊
詎炫能所寶惟賢先正
直其爭君子去驕矜
行宮駐節遑耽逸

祖烈煌煌勉繼繩

即事

環村有曲水半壁雅堪稱

是處俗名半壁店

暖岸纔生芷新流

間帶冰石亭詩勒柱紙牖蠟明燈汲古消清夜行知我未能

微雨

春雲昨來濃問夜希無已珠點灑凌晨踊慮風威起谷寒欲變雪攢團散花蕊原曠就向陽替絲作旋止三白

霑立春覩土膏猶美不雨尚無妨望澤更瞻企顧彼原
田每良農待興耜巽二汝勿逞好生天地理鳴條懶聽
間饒愁未遑喜

拒馬河

春冰纔解水淙淙雨過遙源玉積峰一谷寒風送征轡
得毋舉趾遲去聲三農

秋瀾村

憩宇築單椒行旌每停次村名喜不俗饒有林泉致花

勒南枝紅松留後凋翠書案故好在躬行審所為細雨
飛廉纖藉恭秋水意

望大房山作歌

太行連延西南來千支萬派紛紆迴房山於此獨稱峻
拔地秀擁金堂開廬水帶左拒馬右伏流不敢爭谿走
我從長途直北望龍慈佳氣干牛斗梵宮琳宇棲欽寄
辟邪瓦埋行殿基春風萬樹花張錦憶昔金源全盛時
半壁江山蹟始發海陵遷建實唐突至今修葺賸二陵

其餘荒草尋飄忽行將酹酒臨寢園昭德懷古予心存

聖人穹碑揭日月拱讀義盡休重論

本朝修復金太祖世宗陵

聖祖

御製碑文以前者我師克取遼東故明感於形家之說疑與本朝王氣相闕天啓初拆毀金陵劇斷地脉又建闕廟於其地為厭勝之術不思修德勤民而移咎於異代陵寢其舛謬實足貽譏千古云

夜雨

問夜頻稱雨踈行復密行襲帷風送冷隔牖土生香畿甸均霑否農田繫念常清宵聽刻漏不寐審何妨

曉行即景

寸雨纔欣稗麥滋行程農務兩相宜東皇列缺行新令

不使髯翁句擅奇

東坡詩云斯人何似似春雨歌舞農夫怨行路

土生香潤畝南東惜景常教駐玉驄淡靄依山雲縷散

一鞭曉日暖通紅

山生雲復擘雲開光幻離奇有是哉霧上高峯忽承照

金堂玉室定難猜

引水輸田曲抱原柳絲柔綠護柴門潤舍膏土無塵壒

似過江南水竹村

永慕齋

瞻謁宜質明預宿取近境

山陵已咫尺相隔纔一嶺於何覺宵長企望心餘耿歲
月忽云賒

提命默堪省繼述愧仰鑽剛柔協寬猛皞熙致何有怵
惕慙衮影永慕詎在茲在茲慕益永

恭謁

泰陵

駒馳火改訝忽然間歲來瞻意倍懸痛仰

橋山猶自昔撫茲海宇念當前敬繩

謨烈百千世忽隔

音容十八年奠罷椒漿還復去祇餘心繫嶽雲邊

間題

今來還昨去歷歷跡成陳易水無端渡燕山不斷春又
將遲隔歲何以副終身廻望

橋陵遠怆然意莫伸

口號示直隸總督方觀承

去年蝗幸不為灾休恃曾霑三白米
斥鹵海濱多孽種
預防莫待勅頻催

馬琬溪山深秀小幅

鏡水屏山小閣虛
平陳斐几意如如
有人借問還應愧
未讀廿年以內書

暖

積雪在高峰
白雲承其下
宵雨夜達晨
飛甘潤春野
雨

後却宜晴暖旭烘村社我卜田事豐詎為山光冶行看
柳眼舒遲待花心姁最喜沃塍間已有新耕者新耕播
種纔膏潤良稱佳夏長而秋穫我思方悠哉

雁

冰泮信鳥知頭鰲翩已至乘風翔雲遶和月宿沙際將
謂傷其羣禮稱彼何事習武亦大經水圍行且試

白海青行

海東青育卵海之東旋風絕雲不辨故國踪戢羽少憩

叢林中乃遭弋獲囚樊籠海東青育卵海之東故為人
得者皆已成禽其雛羅網曾不逢青其正色白其瑞千
百之中一艱致何來雪羽炯硃睛竒毛詎止少為貴海
東青鷲鳥類其性稜稜多秉義毳毼玉立獨馴良不與
羣匹爭擊摯鷲鳥類海東青禽經何事初無名無名亦
何害有名亦何榮不見蒼鶻取鴿為暖足或稱寶觀或
稱薦福翻使清訛增究之其事要屬乾闥城翰林子墨
有無悠謬奚足徵

初遊雲居寺二十韻

明發事清遊，村烟淡靄浮。
欲暄春日麗，不冷曉風收。
歷歷遵原陌，行行度野溝。
杏含紅見遠，柳怯綠疑偷。
近識

花原未明看，枝已柔。
問誰開謝墅，聞說是菟裘。

過一山村松竹

瀟洒問之為故尚書傅厲別業

入谷蹊偏隘，尋達騎半留。
村民瞻露冕

緹士漫鳴騶，恍到琉璃界。
紛迎雲水儔，行營剛廿里。
古

寺閱千秋碑，字傳負觀蓮。
經悟比丘莊，嚴信希有名象

許。詮不滿灑坐精舍檐，楹揭素幬藉。
因休衆倦便，以縱

晴眸僧進伊蒲饌鶴彈梵唄喉此來探勝賞詎為訪禪
修經洞猶雲表崕途有瀑流要憑窮一覽未便更他投
曩者遙瞻企佳哉今取酬佛寧擅獨樂我祇勵先憂

遊雲居寺即景雜詠

香樹林

唐刻涅槃經成山為
三吼因生香樹云

拈花微笑那傳心般涅槃成離去聲古今可惜闍黎多附
會未知大地是香林

概雲軒

雲居已據勝概雲最佳致疎軒納遠望躋陟得清寄流
憩倚文榻屬詠託遐思籟聲泛金石塔影落空翠分付
舍利光記予乃初至

石井

竹樹葱翠間峰腰滂玉乳山靈泉必靈名言傳自古抱
珠守蒼龍雲氣時吞吐流為功德水香積悅法侶何當
合膚寸徧作春郊雨

石經洞

隋僧靜琬
藏經處

預慮昌黎論先為二酉藏義都兼半滿世已閱隋唐局
鑰真稱固法輪豈繫常擬方杜元凱猶覺欠周防

崖舫

空閣凌飛崖虛舟意彌在英英忽滿谷依稀泛雲海

聲輪洞

絕峭忽畝平牝洞依陽巘何年耆闍窟中閱三車典空
色難為方喧寂信皆善大士坐如如萬劫法輪轉隨喜
欣始遇於斯會不淺

見春亭

山崖有亭初無名忽見桃花始開因以名之

搏壁思少徐孤亭恰逢此騁望無端倪棲神冥議擬春
從何方來踪跡無可指忽見桃始華輒以名亭子

曝經臺

土門通細逕絕頂憑陵高石經藏洞底將曝母乃勞天
龍不禁笑安名慣爾曹

山桃花

花光如草色遙看近尚無愁題却見春待客欣相於負

陰抱陽巘暖律偏吹欬萋萋綻芳條蜂蝶環瓊株對之
意邈然武陵了不殊

自東嶺取近跋馬至行營

高乃聽見亦取高東嶺鳥道分僧寮迴看來路固平直
紆盤要當十里遼策馬搏壁下劣險控鞍何必耽逍遙
細流往往出石激陰崖強半冰未消近聞雞犬村不見
茅棚幕地逢嶒嶸挖煤採石作生計嗟哉民瘼真無聊
駐轡東嶺望西巘白雲一谷空迢迢行營卓午倏已至

車徒落後輿僂嘲大吏前謝未修治待爾修治曷若穩
駕輕輿遨馬上得者未可馬上守非馬上守者又當毋
忘馬上勞

行營

紆途非故道取便御行營背指莎題遠遙看馬耳迎

金陵

為九龍山其右即馬耳峯帷居疑矮屋詩思掣長鯨一晌供新會春

宵暢好清

謁金太祖睿陵

開國金源肇自東一時攀附會雲風丕承肆伐追遼帝
善任知人類沛公史策鴻猷傳赫奕睿陵佳氣閔龍慈
建康前歲猶親奠況復龍興渤海同

過金世宗陵留句

牧擾樵侵不忍言重瞻宰樹鬱陵園

金世宗陵在房山近始命有司修建享殿

重加修葺

事殷不襲三分跡稱姪何殊一統尊君德已臻小堯

舜國風每溯舊根源愛民勤政心無數景仰高山志所存

詠古

滅遼負乘宋取哉一時邊釁童王胎城門閉始言路開
淒涼五國輕忘懷渡江稱姪和議諧荆凡又見元明皆
埋蒿掩骼禮典該厭勝措置誠毒猜

聖人大義日月偕椒漿致奠今我纔完顏支族祭許陪
聊同白馬有客來修葺略翦蒿與萊翁仲何有華表摧
弔古不禁含清哀龍吟咤水白石堆開闢以來待劫灰
賈島故里

聞說閭仙里依然在范陽不因逢吏部終是託空王幸

有遺編在難尋宿草荒一家言自就僻瘦定何妨

月

踰弦輪漸滿隔樹影如涵元夕何妨過花朝又試探清
詞起李嶠遐憶引何戡烟鬼三千界羣芳待夢酣

恭奉

皇太后閱水園是日

大安輿亦至涿州問

安述事六韻

高年合願豫懇止謁

橋陵迎奉

安輿駕欣舒色養承水禽羣集渚春淀早開冰趙北行
將近燕南景尚仍舟圍排綫獵士氣鼓飛騰擬博

慈顏笑如川算益增

琴高池

古蹟是誰徵菁池乍泮水浮波見赤鯉想像箇人乘

涓彭術已就汗漫遊燕趙叶至今風浪聲猶作水仙操

打鴨行

涿州城北春水生，涿州城南野鴨鳴。
鳴鴨集水人打鴨，我亦因為打鴨行。
打鴨非繳亦非羅，臂鞬鴨鵝沿溪河。
放鵝旋空鴨避匿，長竿敲出蘆葦多。
鵝鳥下擊，鵝一瞥水禽落魄，腦背裂爛，相細膾，固暢意，腥風泣釜，何由說。
我欲試觀淀池澳，虞人致詞頗中去聲。
竅打鴨於河，不於淀，汪洋竿擊殊難到，詭辨善避姑漫論。
尋思究亦弗觀妙，鵝乎鵝乎爾，胡不為牛不解捕鹿為珍羞。
禿蹄穿領

服田疇以生百穀無疆休

新城行宮晚坐

環水開行館因心便遠塵波光入窓澹草色護階新清
夜誰何靜行檠書史親明朝啓前蹕供帳已嫌頻

題鄒一桂寫生

春華秋實萃成圖好尚惟人自會夫詎為攜來識山水
如斯納善可教無

趙北口行宮疊前歲韻二首

迎隄欣麥好應節忘花妍

是日花朝

清蹕不須急行宮宛在

前座中一歲隔窻外半帆懸是我巡江國春流得句船
天水相與永金波萬頃明載舟堪獨會鑒物入遙評今
昔原無住漚泡底用驚依然空濶意最喜滌塵情

花朝

此日剛逢節前朝早見春

近在石經洞側見山桃因名其亭曰見春

綵旂漫

裝景唐卉已宜人薄靄輕籠柳微風不動頻沿宮何所

異香艷總無塵

安福艦

別館此停驂輕艦泊碧潭又茲來趙壯曾與到江南泛
景真無盡敲吟向所諳推蓬宜夕眺萬頃月波涵

淀池月

湖月江月向曾見淀池月乃今憑之江湖淀池自彼此由
來一月無不宜仁者見仁智見智日新富有何窮期晚來
瀉影需馮夷靜戢駭浪含輕漪金輪團團水漈漈佳節
況值花朝時鵝桃隄杏縱未放新蒲嫩芷爭參差浮光

幻景互隱見沙汀或露烟村移會波寫照仍一碧妙與娥
娥為合離江月在流湖在渟前年詠湖月句此兼渟流真復奇

水園六首

山菟水獺合兼修欽仰

仁皇緯武猷散布聯行皆合度鑿池底藉龍炎劉

淀池春水碧於藍鳬雁駕鸞樂意湛集止固佳飛亦得

要當臨取戒其貪

舟園創舉合禽漁

水園古無此制蓋我聖祖創為之

豈必三虞稽禮

書比似揚雄何太陋長楊枉自詡周陸

幘頭導中吾常笑懷鳴潛投彼底為

地方吏向有此風因嚴禁之我

有素心寧未悉於凡務實詎惟茲

春氣乍暄還乍冷羽禽時去亦時來空行正復何妨也

南史奚稱褚炫才

舟奉

慈寧春旭和綠蒲白芷漾新波環觀士卒皆見葉詎我能因錫類多

放鯉

漁舟棹出叢蘆中老漁長跼竹籃把獻芹獻曝古有之
吾儕所有惟魚也語質情殷禮不嫻斯民三代言非假
跳籃撥刺意乞生去乙何用供烹鮓賜翁金錢令放魚
持魚欲放還難捨校人反命驗當前悠然真得殊瀟灑
進舟齊衆獵飛鳧笑思此復何為者

水村

屈曲沿沙渚高低見水村荻蘆編蟹斷舴艋繫蓬門雁

賦無多子魚祖育後昆依稀會稽路前歲景猶存

端村行宮即事

水軒纔數字亦可號行宮萬頃波無盡三春景莫窮柳隄條欲綠杏隄蕾初紅

聖藻檐楣煥當年想像中

村喜稱端好吾應有句留人心將士習知嚮更何求未
協唐虞化徒懷禹稷憂鄉民瞻露冕因悟水兮舟

麥

由來一水地

諺稱一水一麥
每獲豐收云

每獲二甡秋
灩灩齊園露

芊芊早被疇
水如那隱雉
傷夏祇毆鷗
更是無公賦
輕租隨分投

白洋淀

渚水畿南巨
浸低曰宣曰
受利耕犁一
觀形勢浮輕
舫久計修防
賴偃隄甍社
菱絲詎相讓
天光波影總
堪題籌民練
士無非事詎
止瑩鋒為鷗
鵜

夕

停舟沙渚旁入夕水風涼我縱安深戶人多蔽薄裳耽
書心不厭屬詠夜猶長開牖時閒看金波萬頃光

即事

五更問陰晴雲重報中人朦朧纔敲枕戶外雨聲聞須
吏問雨勢又稱花霏銀雨佳雪氣寒踊慮傷麦根或云
候已暖凝竄因水村慰言半疑信穡務殷農民晨行風
雪兼擬使驅濃雲設雨慎莫驅巽二豈吾臣千餘復焚
絲濕潤香生塵憑窓眄廉纖水天景彌新詎為豁襟抱

惟是籌耕耘瞥眼六時間一心愁喜紛

澹對軒

際渚開軒齋波光漾席几澹對舊我名重來景逾美春
烟泮合間風漪遠近裏鳬雁下長空浮游隱蒲芷明志
莫如斯悅心即在此

雨窓攬結

清晨風雪繼以雨維舟午憩止頓所開窓偶一眄蒼茫
颯景紛投訝爾許珠絲玉點難形容渚邊微雪含泥融

便從浦口極遙目水天無際連空濛烟中乍覺低雲斂
遠樹如薺溪路掩却憶前歲過嘉禾烟雨樓頭之所覽
翦波忽見來孤舟風帆錯認楊人愁眼前勞逸各殊境
無心證取惟沙鷗

春曉

春淀宿雨收侵曉雲猶重水風增料峭吹泮烟濛蒨進
舟向前川面迎朝旭擁陽煖而陰寒知從益惕悚水鄉
亦事農潤舍綠麥壠時節近清明未花花意動昨來慮

跼蹐釋哉詩興涌

水園旋蹕駐趙北口

四日行春淀舟園習水虞每因瞻

祖烈長此奉

慈娛野景供詩句溪鄉總畫圖意宣得言返正用息烝
徒

題鄒一桂雲居寺圖

近水閒居筆研攜

水園減從舟行從臣多留居趙北口者一桂亦在其內

興來慘

淡寫招提想因為我忘山景西峪雲居一再題

離合春烟隱現巖石泉飛處峽琴寒概雲軒裏者如畫
今日翻從畫裏看

溪窓夕眺

春岸維舟駐渚宮水天閒凭夕窓中扁舟去者誰浮月
破席冷然尚受風一縷長隄柳已綠數家野店杏將紅
明朝整轡行遵陸意託烟波渺不窮

將取路霸州視永定河恭送

皇太后車駕還宮之作

水獵博

慈歡春池極暢觀
又將遵甸陸為復
閱桑乾簡衆清前
蹕歸途奉

大安吉祥雲擁處
直北帝都看

登陸

水蒐數日足怡情
正務觀河北卜程
饒是素心喜馬便
不無餘興謂舟輕
蝸盧蟹舍行行背
白叟黃童處處迎

顧我幾曾恩遍逮憐他一例戴由誠

陰

小雨纔經宿春雲復作陰
氣暄應斷雪澤潤尚希霖
隴麥看方茁村烟漸欲深
歌幽常切志望蜀又生心

檀廬

憩身便行止可意適暄寒
儉矣原非陋居之常得安
三春偏覺好十笏已為寬
入夜清閒甚芸編敲案觀

過霸州

策馬經平曲春泥襯馬蹄土城無埤堦淀水下鳬鷺野
景行逾遠雲容看復低防邊前代蹟往往尚堪稽

郊行即事

宿雲猶重曉烟輕策馬青郊得得行中酒村翁春社罷
好乘潤土課新耕

睡醒纔聞霏細雨朝寒又見雪浮浮縱看無力霑泥化
半為生欣半為愁

連朝霧雨潤農田最好風光傍禁烟絕勝昔年春例旱

黃塵蔽路意怍然

駢肩疊跡覲光民
老者九憐命賜銀
珍重有司善教養
林林皆我意中人

夕

時雨時復雪終朝細細零
入夕氣轉寒散漫霏六霽
霑泥始猶化結片漸欲凝
濡潤非不佳協時達勾萌
情知霽景暄消融仍利耕
所慮釀寒重傷麥意為怍
猶憶昔歲春望澤常慣經
邇年獨何幸春膏資發生
惟幸故益

懼遙哉待西成患失切患得何怪常人情

乘舟觀永定河下口之作

夜雪忽已收朝霧未云斂策馬遵遙隄永定全勢覽下

口欲其暢渾流利泛濫前者歎行牆一綫奚歸坎無已

籌下策讓地稍避險中處徙流移向南聽泓漸

乾隆十五年春

閱永定河以下口宜畧更移令其易於趨下且於泓澗
時濬中泓引河而流民占居河中淤地者亦勸導徙就

隄外年來次第脩舉下口益暢
爰取道重閱脩已三載餘矣

今來閱尾閭三歲驚在

苒舍陸命進舟恬波春淦雖遜洪澤濶微山已不減

蕩漾有餘地巨浸乃澄澹慰茲憂即茲積高車鑒儼補
偏斯不無永逸則豈敢

隄上

有務不妨寒裏去無花漫道霧中看

是日霧

日高旋轡澄

零翳近墅遙村入覽寬

新蒲嫩茁集駕鳬西淀陂來果信無聞道昔年行水獺

每於近此放黃羶

渾流十里去隄遙灘地芊芊茁綠苗疏易尾閭籌目下

窮黎或得免漂搖

雪融膏潤麥含含
馭娑春隄鏡影涵
一夜踟躇今慰念
况看佳景似江南

沿隄行三十里觀永定河新移下口處兼示直隸

總督方觀承永定河道白鍾山

舊時北岸今南岸近舊南隄今北隄

桑乾於康熙年間築隄之始原就南

雍正年以河身淤故改從北近又以河身漸淤改從水
窖南出在兩河之間故康熙年之北隄為今南隄而雍
正年之南隄遷就向寬資蕩漾已看汎過積淤泥
為今北隄矣

舊識黃河利不分挾沙東注向瀛濱
渾流今有清流亘黃河全流入海
其力較專至清口匯淮攻沙之力
益勁永定下流不能獨行入海有
運河鳳河橫亘於中因散入諸淀
水過沙渾故特易淤此策思量未
易云

新口疏通頗吸川安瀾自可保當前
都來六十年三改

河自皇祖中年始築隄修防
賜名永定六十年間已南北三徙
長此經行正未然

給資撥地遷村墅讓水還聽一麥耕
安土不難事姑息那知深意訓盤
庚

御製詩二集卷三十九

欽定四庫全書

御製詩二集卷四十

古今體九十六首

癸酉三

春郊

春郊朝雪化如酥
潤麗風光特迴殊
煙柳兩行背永定
溪村幾處指東吳
花將欲放偏宜看
雁未全歸遠共呼
緹騎漫教頻警蹕
迎鑾黎庶滿前途

南鵑

平林入遙目輕輿歷廣甸南鵠曾舊經茲來又逢便墅
店喜瀟灑杏桃未韶舊村民多種樹誰補索駝傳因思
為政方更張率致患

行圍二首

春郊小試羽林羣黃纛中間兩翼分射兔忽看南苑近
橫牆一帶接晴雲

紅門直北隱喬林質樸村厖悅我心申命馳驅須擇地
恐防蹂躪麥抽鍼

闕虎騮

舊時所御良馬三今惟騮獨存老不勝馳驅命育
之南苑園人牽以來馾前頗戀如不捨畜有若是
信乎其稱良也以視食人之食而不知報者遠矣
養老育林苑馳驅將廿年驚看來碩果寧忍被文韉騮
萬篇今何在所謂三驊騮幸尚全銜恩遘良遇合號
吉馬雲

馬中仙

南紅門行宮晚坐

旋蹕臨南苑行宮憇息便庭軒信瀟灑書史足周旋
牕紙今宵朗壁題前度懸治平聲平何所就曉眼又三年不到

南苑者蓋

三年矣

射兔

春甸綠茵芊爰爰躍伏跼不無猶喜獵聊爾試抨弦獲

七寧湏久

是日凡馳射七兔

中雙邨數連成詩吟馬上彷彿卅

年前

舊衙門行宮即事

別殿前頭書室連，修文曾記養痾旋。
豈知近膝翻成背，朕待皇子等素嚴。
從未假之辭色，惟庚午年皇長子養疾於此，每溫諭冀其痊，可父子之情較切，不謂遂成永訣。駐蹕思昔，尚冀承恩，竟永捐丙舍長眠，又隔載離宮，不禁黯然。

不到已三年，憑叅幻夢清宵裏。
一枕鐘聲古寺邊。

布穀

凌晨聞布穀，先日見春畊。
篤篤寧無倦，邕邕最有情。
土膏滋大地，時節近清明。
愛爾關農務，還勝聽曉鶯。

蔭榆書屋作

書屋寂怡情喬枝又向榮春光對今日煙意近清明綠
蔭苔周砌白延月上楹卅年前偶憶箇裏一儒生

山桃花三首

山桃可喚北方梅每領羣芳報信來昨夜東風吹細雨
倚牆早見數枝開

西峪亭前昨見春

近於石經山見山桃花因名其亭曰見春

郊原花事尚遼

巡含胎多為輕寒勒誰解催開羯鼓頻

杏桃先後北南異

北方桃先杏開南方杏先桃開

花史何嘗定論持未

免杏桃還暗笑千秋紀述率如斯

即事

春雲每作陰春膏常潤地春煙低遠村春風拂遊騎前
夜小雨過桃花放初媚昨日復霏霏芳草含珠穗入夜
有渰萋一犁冀明賜近年實多幸青郊利農事惟幸故
望奢大沛始暢意

豐臺行

海子西紅門門外為豐臺溪村流水曲抱隈引水種樹

村民皆皇州百藝無不有豐臺花園風流數南梅北杏
溫建蘭綠色牡丹大於斗牡丹花王芍藥婢好惡異宜
時尚爾豐臺芍藥勝牡丹花時狂走都人士北門學士

愛看花吳中瘦沈張南華

二人皆有
豐臺詩

當年側帽遊日下

綺詞麗句爭芳葩清時韻事不可無曲江倡和詩酒徒
番風花信自依舊過者來者為誰乎鞞鞭蹀馬春之半
萼萼纔含未爛漫亦不謬稱敦樸禁養花亦不逞欲珍
奇誇錦燦由來萬事隨民便

凉水

豐臺接凉水沮洳皆水鄉一隄十里遙洲渚帶兩旁春
融積泥濘行旅頗有妨何不培使高役重多徬徨經過
為籌策略得不費方因卑開水田既可種稻秔叶其土
取益隄事半功倍償泉源近乎遙輸漑期久長行將命
水衡規度周測量

即目

春靄漠濛地氣昇青郊潤淨徧田塍露秧煙柳連村屋

佳景江南一覽曾

景光物候肖東吳前歲隨來果信乎
迴憶風霾向愁早
好春似此得曾無

迴蹕至

暢春園問

皇太后安

水菟旋復閱河干趙北先期返

翠鑾今日行春諸務就歡欣重悉

寢門安

霞光齊放山桃蕊
煙色全低陌柳枝
底覺春和箇中早
昔年靈囿此瑤池

春郊及月薄言還
小雨輕煙邇日間
潤澤土膏農事起
前陳端可悅

慈顏

三月朔日清明

此日暮之春榆煙特地新
恰開三月節好應百花晨
細

雨真滋麥惠風不動蘋司勲有佳句繪景更傳神

春曉

昨夜雨霏絲曉來露瀼地春煙復輕泮初陽弄光霽所
喜在農功餘興寄花事花事日以佳紅紫紛含葩含葩
勝酣放奚待爛蒸霞晨氣清且淑浥潤吐幽馥亦如施
嬌姿雲鬟麗朝沐蘸影臨芳津意與花俱新乃知春起
早故是解事人

暮春之初恭迎

皇太后御園遊賞

時晴時雨識

天恩行樂宮中奉

壽萱綠水紅橋過輕舫農阡蠶舍具名園觴流內史微
隣放馬射華林更覺喧何似承

歡申孝養歲華勝事重量論

王蒙破牕風雨圖即用其韻

顛風淒雨一間屋伏案低頭半夜檠高士當年讀書樂

至今佔畢尚聞聲

題仇英採芝圖

芻豢百年養芝朮千齡美課童劇雲根九華辨蒼紫精
氣資坎離煉玉謝刀七彷彿龐德公不然挹朴子

三月三日昆明湖中泛舟攬景之作

新蒲嫩芷昆明水淡日輕煙上已天次第已教披奏牘
逍遙便可放遊船剗欣宿雨滋塍畔又看重雲起嶺邊
南淀飛來鳬雁滿笑予未免近生憐

自玉河放舟至玉泉山

玉泉山色望非遥
溯水尋山盪畫橈
花識清明齊放陌
柳籠煙靄近低橋

玉帶橋邊耕織圖
纖雲畊雨肖東吳
每過便爾留清問
為較尋常景趣殊

桂擢沿溪歷近村
不逾時遂造泉源
三春巖壑麗如許
一室琴書靜可論

竹爐山房

謾謾山房松下風拾松煮茗竹爐紅水符底藉循環調
火候還應文武通欲擬竈邊陶陸羽未湏詩裏學盧仝
品泉僧舍為清供前歲春光想像中

裂帛湖

乳竇迸石罅一泓清可品方塘匯匪寬中有長虹飲蹠
步俯滄浪縠紋漾淦淦弄影花正開訝許天孫錦

玉泉廻樵仍至萬壽山

清蹠來遊日未中言旋恰喜半帆風名山寔是三春好

別館由來一水通大略何妨觀了了餘閒未免趁忽忽
開牕上下天光接興與煙波杳莫窮

綺望軒

山陰構踈軒一水迴環抱悅心仁智間縱目煙霞表麥
疇及稻畦秋夕將春曉萬景紛來叅大塊富文藻偶來
試憑臨興會殊不少今朝槩且置吾將事幽討

舍韻齋玉蘭

文軒偶凭景殊常似入仙人白玉堂恠底此花稱木筆

最能描出好春光

滿庭玉樹已酣春我偶初看便覺新了識女夷應暗笑
對花不是得閒人

丰姿雅澹香清淨今日真為含韻齋却是三年未經詠
流陰徒訝善推排

曉陰

曉陰含潤潯準擬雨後零雨過亦未久望蜀人常情無
何顛風作吹散浮雲輕不雨信可待而我心怵怵怵怵

輒自問或我志滿盈聖狂一念分懼在所可矜何當尺
澤均大利東郊耕

鳳凰墩放舟自長河進宮之作

鳳凰墩上鳳凰樓已似停舟此放舟四面波光動襟袖
三山煙靄護壺洲滿川綠芷漪紋細隔岸青蘋露氣浮
便是不饑真大藥底從期羨鼎中求

樂善園小憩

閒園依水次舟便一相過隔歲松篁別當春煙景和古

書結好友時鳥解清歌杜集相衡較南塘定若何

讀翟方進傳

孤童耻小史攜母旅京師努力績經學名節頗自持謙
牧讓胡常藉甚名譽馳効免兩司隸風厲人共知胡乃
右丞相託言漢舊儀御坐為起立在輿為下之太陽下
同物仰照真乖宜薛宣誠掾史豈得謂無私其後果代
宣公絜弗苟為求指濟深文好勝勇遂非疾惡固云直
修怨寧匪戲長辜猶隱諱星變遂戚貽白馬賜上尊噉

泣亦已遲反復鴻隙陂童謡翟子威

夜雨

溫室清夢迴宮漏夜未央
浙瀝聞枕上衾幘覺微涼
昨夕淨纖雲我無其雨望
問之果稱雨踈密作勢長
前日風吹雲冀澤方徬徨
春郊縱潤溽先憂繫我常
霑灑非所期慶慰遑敢康

雨後瀛臺即景

內朝視事各區分雨後餘閒意倍欣
西苑行春因命駕

仙壺如沐轉氤氲

層樓延閣鏡光裏綠柳紅桃煙靄中不負好春是今歲
可無佳句荅東風

君鳬官雁戲文瀾
嘒藻依蒲自在歡
等是淀池驚繳物
笑他擇地得棲安

松篁深處潤沾衣也覺濃陰漸漸肥
便放輕舟翦煙景
密雲又作雨絲飛

再題蘇軾書金剛經

四句三乘大義兼
福因漫擬窟中潛
誦經食肉夫何礙
饒舌重看宋景濂

太液池泛舟

翠鑾停柳岬遊龍
盞蘭渚岸芳已薦
綿渚禽亦容與作
監念水舟對時思
相輔御橋蟬蛸橫
團殿松杉古飛雨
忽焚絲溟濛迷處
所

賦得瓊島春陰

傑豎石幢標四字
邇年真未負春陰
已欣宿雨滋南畝

又見新雲罽遠林蒼蔚適於幽處合嶮呀每與望中深
乘閒歌案觀墳典陶侃名言獲我心

董邦達蒼岨古樹卷

翠律攢巖訝倒懸蟠拏古榦互連拳是誰結屋嘉陰下
雅合於中草太玄

張宗蒼靈巖山圖

春山入畫氣嶢渙憶我前遊蹕暫停曉眼兩年成濶別
印心萬嶂忽移形雲容便是出楹白松色寧殊入座青

阿邠錦帆涇畔屋詩人暢好占山林

謂沈德潛別業在山下

春曉即景

園芳含宿雨林翠帶浮陰豔裔殊難狀溪山漸與深春
雲騁錦夢露氣馥檀心漸覺微陽上煙中散曉禽

即事

陣雨剛及寸邇來三日過繼以連朝風昨始得融和侵
曉重春雲遠色低峰螺今年膏澤佳先秋卜書禾明知
十日期未半希滂沱望蜀不惟人既得恒思多入夕未

霑澍畢景徒延俄

題鄒一桂花卉卷

蘭

再芳早是傳荆楚九畹如何只舉春應為凜秋權讓菊
一般氣味伴幽人

梅

鐵幹冰花蓓蕾紅墨勾不襲補之翁為文悟得同歸理
喜語難工苦易工

杏

婀娜烘春千葉纖粧成世界是華嚴吳融詩句徐熙畫
靜裏拈來數筆兼

貼梗海棠

迴異垂絲影動搖敷花著幹見丰標不香亦自饒風韻
金屋何妨貯阿嬌

長春花

淺深紅暈足精神婉婉韶光逐月新豈是女夷偏注意

故教四季總會春

山桃

剛欣芳蕊輝霞纈已看殘英貼水來
點筆意遲聊靜會一枝似為我重開

梨花

綠雲鬟髻玉粧成雨後風前最有情
却笑低頭簪帽者愛花翻汗此花清

紫蝴蝶

瓣似金萱色奪朱亭亭葉幹鬱相扶春駒飛入如尋侶
名相風流了不殊

金盞花

小於玉笋大於錢好侑流霞玳瑁筵李白若逢應却置
解醒郎及甕頭眠

石竹

此花亦被此君名嫋嫋裳裳且自榮世上寧無假君子
底須卉裏太分明

夜雨

兩日濃雲作勢長一時入夕霏膏渥巡檐煙影漸渺濛
遂落瀑聲圍我屋歌枕欲眠未忍眠穉事胸中頻往復
北方春早有常諺每對風霾輒眉蹙舊歲已覺勝往歲
今春更比昨春足邇來小雨繼以風踊愁稽澤心惶恧
有滄始興未沛然延俄翹望勞雙目輕寒轉慮左近霑
意謂礎潤仍虛卜此雨及時更意外來年定可占多熟
受寵若驚理固應我以訓人今自勗

萬壽寺

路便尋香域雨餘方暮春
潤露林靄重風定卉芳新
綠野含佳趣青蓮示淨因
我非忘世者未擬悟根塵

樂善園

維舟憩治園尋徑得書屋
曉煙泮初霽春林淨新沐
入隄嵐翠蒸侵階花氣馥
翹心既以慰樂志聊因淑
架上
有芸編乘閒一披讀

豐澤園演畔

耕耨前辰例演耕無非民事厯躬行仗排上苑春風麗
土潤新犁時雨晴種佈從教付林監耒陳不必命農卿
耕耨司農進耒耜佈種演耕則先陳耒耜以奉宸苑御佈種蓋皇考定制遂為典故云

憲皇家法過周制肯播伊予敢懈誠

題瀛臺千尺雪

雨後瀑聲鼓舞石春深波影湧沉花竹鑪茗椀渾堪試
內苑吳山本一家

暮春瀛臺

豐澤耕迴攬好春
雨餘臺榭淨無塵
先憂後樂常懷我
八政九歌俱重民
心觸清機親翰墨
目遊潤景足精神
快晴更爲吾農喜
播種羣將墾藝畇

春水泛舟

樓臺號瀛閩池沼即滄溟
漾舟非求仙愛此滄浪清
垂柳含煙碧新蒲刺波青
時有魚撥刺復聞鷗雁鳴
與物適熙春吾寧不暢情

瀛臺即景襍賦

花光豔裔鳥聲諧雨後三春是處佳流覽竭然思靜憩
澄懷堂裏一澄懷

湖山位置仿蓬瀛萬事由來有志成二典三謨明式在
望洋徒歎竟何情

流杯亭是勝朝蹟從未臨流泛羽杯却擬吳中千尺雪
三間茶舍倚松開

舊時書屋今宣席便與佳名號補桐每展芸編渾似昔

五絃翹首慕薰風

藍桐斲為四琴
藏之書屋故云

題漪瀾堂

在瓊島之北麓略倣金山規制為之俯液池瞻穹
塔覺水態雲容來參几席更不與江天別同異矣
勝蹟遙思瓊島陰每因餘暇一登臨雲樓高下規浮玉
春樹叅差吐鬱金出浪魚喁披錦縠入松風籟譜瑤琴
漪瀾匪慕滄浪意舟水民情靜會心

王蒙修竹遠山圖

萬玉叢中一草亭歌崖流水帶沙汀此間合著幽人老

終日遙山蓄眼青

文伯仁秋江垂釣圖

不繫虛舟任所如絲綸欲下故徐徐一川秋水清何礙
意釣原非為羨魚

讀尚書有會隱括為言

心傳允在辨危微敷政平章慎萬幾念彼有為兼有守
所其無逸乃無違欽承祖訓惟時又顧畏民岩敢作威
千古帝王師法具斂時錫極會而歸

恭祭

先農壇

露帷掃地秩宗昭躬祀惟殷

厚貺邀貽我嘉生陳俎豆繹如盛樂奏雲韶萬千後冀
倉箱富十五先期風雨調咫尺崇田將舉耜一時心徧
九州遥

耕藉禾詞三首

穡事咨茹重古今耜田千畝此躬臨剛欣好雨滋春隴

又看輕雲佈曉陰

恒拒維縻列嘉種綵棚慈愍備祥儀詎惟致美昭農典
稼穡艱難貴克知

春郊妍潤景和暄歲習青箱及紺轅
敬從惟憶號公言

承光殿

三推耕藉回塗順臨崇殿松枝輕靄低花色明霞綯儀
天名久消

承光殿元時名儀天今仍明舊

太液波猶見飛潛禽魚適暄

涼節候變鑒古惕有赫自強勵無倦

昆明湖上

湖上春深好漪瀾倍豔清花浮香錦繡樓隱畫蓬瀛鏡
影涵虛牖虹光映綵楹偶來俯澄照緣慰望霖情

時雨時晴節今春似去年值庥恒惕若望稔益殷然鈎
管興桑陌耰鋤治水田底須命采繪孟頫畫橫前

再題清可軒

倚壁構軒楹壁乃在堂廡望山恒於外而斯在裏許窪

梭繪變態濃淡無定所初祖應駐錫五丁漫運斧日月
所不照雲霞難為補竒草四時芳今信非虛語

暮春靜宜園雜詠

鳴鞭乘興款巖扉已覺山容一載違却為山寒花發晚
初來剛及賞芳菲

春霖優足心為慰却亦無多暢勝遊設使乘時亟行樂
應乖不息勵先憂

嫩綠繁紅繪錦春此間宜與靜為因書齋竭展芸編讀

敬業惟應對古人

鶴

飲棲性適朗鳴陰園吏供梁向碧岑應署白衣學士號
半雖廊廟半山林

碧雲寺

丹地翠雲間春山沐黛鬟肩輿出別業拾級叩禪關坐
看天花落靜聞石激潺三間精舍在著我暫偷閒

登碧雲寺金剛塔

登塔必有天風來
宰堵豈與封姨媒
此中妙義今始悟
為掃萬慮浮雲開
世出世法若常住
漢水亦應西北迴
月為面鏡海置杯
我心朗廓與之皆
下視方方綠雲吉
又我意中顒望繞

題試泉悅性山房

松門延意入雲牖
縱睇遙洞酌臨階
取浮香就鼎澆峰
姿濯宿雨林翠秀
春朝甲乙何煩品
怡情萬慮消

題唐寅幽泉修竹圖即用其韻

亭下逍遙靜者流，侍書童子任蓬頭。
竹泉大意曾相做，似處吾於不似求。


近曾做此為小幅故云

董邦達峨眉積雪

崢嶸三峰拔地奇，陰崖積雪渺無涯。
是中應有高人出，玉局當年早占之。

即事

明朝為孟夏，元日立初春。
比似常年勝數來，九十勻兩紅芳漸歇。
雲綠翠增新，祈歲欣調順，欽承勵敬寅。



御製詩二集卷四十